

աւելի ողողեց Գերենկի թղթադրամներով՝ վերածելով Ռուսիան երկրի մը ուր սուղապրուստը (caro-viveri) ամենէն ահաւորն է և դրամը ծայրայեղօրէն կորուսած է իր արժէքը:

Գործակցախումբերը՝ յեղափոխութեան ժամանակ՝ պօլշեվիկներուն հալածանաց ենթարկուեցան, բայց րաբքադպարար գործակցախումբերու ներկայացուցիչները դիւրաւ կրցան պօլշեվիկներուն հասկցնել թէ ազգայնականութեան (nationalisation) զաղափարը ո՛չ երբեք կրնայ գործակցական շարժման յատկացուի:

Բայց յամենայն դէպս՝ գործակցութիւնը հիմայ պօլշեվիկեան թռհորհին մէջ միակ կենսական ուժն է, որուն վրայ Ռուսիան

կրնայ իւր վերածնութեան յոյսը դնել. « ճշմարիտ ոսմկավարութիւն մը կը ստեղծուի և կը կրթուի գործակցութեան ծոցին մէջ, և այս անոր համար որ Պետութեան մը աւերակներուն մէջ անխախտ և անսասան կանգնած է գործակցութեան զէնքը, այնպէս որ ինքն է որ ներկայ ընկերութեան ամբողջական կեանքը կ'ընդգրկէ »:

Կը շնորհաւորեն հայ ուսուցչապետին իր գնահատելի արտադրութեանց համար՝ մաղթելով որ շնորհէ մեր ազգային տնտեսական գիտութեան աւելի մեծ մղում մը և աւելի ընդարձակ ու մանրակրկիտ երկասիրութիւն մը Տնտեսական Հայաստանի վրայ...

ՄԻՀՐԱՆ ԵԼԻՒԿԵԱՆ

ՅԱՐՈՒԹԻՒՆ ՕՂԼՈՒ ԵՐԳԵՐԸ

(ՓԵՐԱՆՔԵՐ ԱՇՈՒՂԱԿԱՆ ԳՐԱԿԱՆՈՒԹԻՒՆԻՅ)

Ն ԵՐԱՅՈՒԹԻՒՆ

Ժողովրդական բանահիւսութիւնը շատ աղքատ է Զուղահայերի մէջ. համարեա չկայ նրանց մէջ ժողովրդական-ինքնուրոյն երգեր — սիրային, պանդխտի, երգիծական, սգոյ, պարի և այլ լիբիքական — հովուերգական տաղեր, ինչպէս և զրոյցներ հէքիաթներ, առակներ, հանելուկներ և այլն: Այդ հանգամանքը պիտի բացատրուի նրանով, որ հայերը զարերից ի վեր ապրելով պարսիկների հետ, կորցրել են իրենց ազգային առանձնայատկութիւններից շատ բան և իւրացրել են այն, ինչ որ պարսկական է:

Այսպէս է Նոր-Զուղան: Սակայն ընդհակառակը, դրա փոխարէն Նոր-Զուղայի փէրիա և Զուրմահալ գաւառները հարուստ են աշուղական երգերով: Նրանք տուել են իրենց ծոցերից մի քանի ժողովրդական

բանաստեղծ — երգիչներ, որոնք ապրելով ժողովրդի մէջ, ժողովրդի սրտին մօտիկ, արտայայտել են նրա զգացմունքներն ու խոհերը, իղձերն ու յոյզերը, ուրախութիւնն ու վիշտերը, զանազան մօտիւններով և ելելջներով:

Սակայն ցաւելով պիտի նկատենք, որ նրանց մասին ոչինչ յիշած չէ մեր բանահիւսութեան պատմութեան մէջ, և մինչև այսօր ո՛չ նրանց երգերն է հաւաքւած և ուսումնասիրւած և ո՛չ էլ նրանց վերաբերեալ կենսագրական տեղեկութիւններ լոյս են տեսած. նրանք գրեթէ մոռացւած են: Մինչդեռ նրանք իրենց ժամանակին, իրենց երգերով մեծ դեր են խաղացել և հռչակ ու պատիւ վայելել:

Թէև ժողովուրդը սրբութեամբ պահել — պահպանել է նրանց անունները և նրանց

երգերից շատերը, բայց գնալով փոփոխութեան և աղաւաղումի հն ենթարկուում այդ երգերն և հետզհետէ մոռացուում են և ոչնչանում:

Անհրաժեշտ է ուրեմն, այժմեանից իւր-նամբով գրի առնել բերանացի բանահիւսութեան այդ փշրանքները և լուսարանել, քանի դեռ կորսուած չեն:

Ահա այդ տեսակէտն ի նկատի ունենալով՝ մենք առաջին անգամ ուսումնասիրութեան նիւթ ենք զարձնում Յարութիւն Օղլի աշուղը, որի մասին պէտք եղած տեղեկութիւնները ձեռք ենք բերել ձեռագիր տետրակներից և նրա ծանօթ ծերունիների պատմածներից:

Յարութիւն Օղլու կեանքը: Երգիչ Յարութիւն Օղլին ծնել է Չարմահալ գաւառի Ահնազարդ գիւղում. 1810-20-ական թւականներին: Մարմինն ամփոփւած է Մամուրա Արհեստով երկրագործ է եղել: Ուսել է գիւղում, յայտնի գիտնական Տէր-Յովհաննէսի մօտ, որը մեծ ազդեցութիւն է ունեցել իր աշակերտի վրայ: Այնուհետեւ Յարութիւնն իրենց գիւղ եկող աշուղների մօտ գնալով՝ ուշադրութիւն է դարձնում իւրաքանչիւր աշուղի խաղի վրայ և շուտով սովորում է աշուղութեան արուեստը: Ուսկայն նրա աշուղութեան արուեստի զարգացման գործում իւր դրոշմը դրել է աշուղ Ղուլ Յովհաննէսը, որի մօտ Յարութիւնն աշակերտել է մի քանի տարի և ապա՝ գերազանցել է իր ասուցչին: Այնուհետեւ նա ուսման տենչով անցնում է Ս. Էջմիածին և այնտեղից էլ գնում Ս. Կարապետ ուխտի՝ աշուղութեան շնորհը ստանալու համար: Նա գիշերը երազ է տեսնում: Սրբերը նրան մի բեռ եփած կորեկ են տալիս, որ տանի սարի գագաթը. նա շալակում է կորեկը և բարձրանում սարը, բայց կէս ճանապարհին ցած է ընկնում և կորեկը ցրել է գալիս, սակայն նա շուտով կորեկը հաւաքում է մի այլ կաշւէ տոպրակի մէջ և բարձրանում սարի գագաթը: Այդ վերելքն է լինում, ըստ իր կարծիքին, Ս. Կարապետից ստացած աշուղութեան շնորհը:

Գրանից յետոյ՝ նա՝ վերադառնում է հայրենի գիւղը: Գիւղի ժողովուրդը դիմաւորում է նրան և մեծ պատուով ընդունած իր աշուղին: Նա իր հայրենակիցներին, իր և նուէր, սաղափէ խաչեր է բերում Ս. Էջմիածնից:

Այսքանը միայն յայտնի է մեզ Յարութիւն Օղլու մասին, իսկ թէ ինչպիսի՞ շրջանում և միջավայրի մէջ զարգացել է նրա տաղանդը, իր և աշուղ երգիչ — այդ մասին հաստատ չգիտենք ոչինչ: Յայտնի է մեզ նշնայէս նրա կեանքի գոնէ բնորոշ գծերը: Միայն այսքանը յայտնի է, որ երբ նա վերադառնում է Ս. Էջմիածնից, շուտով տարածւում է նրա հռչակը, և այնուհետեւ նա ձեռք առնելով չօնգուրը, ընկնում է գիւղից գիւղ, երգեր է յօրինում և մրցում գիւղերի աշուղների հետ: Նա շուտով աչքի է ընկնում իր տաղանդով: Յանպատրաստից երգեր է յօրինում և զարմանք պատճառում ժողովրդին:

Այդ երգերի փշրանքները, որոնք այսօր ունինք մեր ձեռքի տակ՝ ցոյց են տալիս, որ նա իր ժամանակի զրազտ մարդկանցից մէկն է եղել և մտաւորապէս աւելի բարձր կանգնած լինելով՝ կարողացել է իր ապրած միջավայրում որոշ դեր խաղալ և յարգանք ու համակրանք վայելել:

Յարութիւն Օղլու երգերը: Պարսկահայ աշուղների մէջ ամենատաղանդաւորն է Յարութիւն Օղլին, որ թողել է բաւական թւով թէ թուրքերէն և թէ հայերէն լեզուով երգեր, որոնք հաւաքւած են մի «Գաւթար» մէջ, և որոնց կարելի է բաժանել մի քանի սերիաների — սիրային, պանդխտի, կոնսական, խրատական և այլն:

Իրաւ է Յարութիւն Օղլու երգերը զուրկ են գեղարւեստական շքեղութիւնից և չունին ո՛չ պարսիկ մեծ բանաստեղծների՝ Տաֆթէզի, Սատտի, ու մանաւանդ Օմար-Խայամի երգերի հմայիչ գեղեցկութիւնը և ո՛չ էլ մեր միջնադարեան տաղերգուների՝ Նահապետ Փուշակի, Մկրտիչ Նազաշի, Յովհաննէս Թլկուրանցու գրւածքների խորութիւնը, սակայն և այնպէս իրենց ներքին և արտաքին անպաճոյճ կառուցւածքով ար-

ժանի են առանձին ուշադրութեան: Այժմ ծանօթանանք այդ երգերի հետ:

Սիրոյ երգեր: Իրեւ երգիչ, Յարթին Օղլին, ունի իր ուրոյն, առանձնայատուկ երազների, յոյսերի և յոյզերի, իղէալների և զգացումների հարազատ աշխարհը. դա սիրոյ աշխարհն է — մաքուր, իղէալական և երազկոտ աշխարհը, ուր նա այլազան դրսեւորելով և գոյներով երգում է իր սիրած հարին, նրա գեղեցկութիւնը: Այդ երգերից երևում է, որ նրա սիրած հարն անմահն է, չկայ «Քիօզալներ» մէջ նրա նմանը: Աւելին, Եւրոպայի անբողջ կեանքն է, ամբողջ երջանկութիւնը: Եւ նա համակած սիրոյ վառ զգացումով, լարում է իր իր քնարը, զարկում է նրա լարերին և սիրարուզի կանչում է իր աննման հարին, որ միասին ապրեն մինչև հարիւր տասը տարի:

«Կամերոնը արբիւում ֆիթթ գառով փաշած
Գլուխը պատուական ոսկէ սանդուղ տաշած.
Իմ հար արի, արի բարով, հազար բարի
Խնդանք իրար խտուր չուր հարիւր տաս տարի»:

Այնուհետև երգիչը գունեղ գոյներով նկարագրում է հարի աննման գեղեցկութիւնը. գեղեցիկ են նրա շրթունքները, ունքերը հիւլալ, աչքերը սև, ականջները զուլալ, թշերը կարմիր վարդ—նոնազոյն, երեսը ճերմակ ծով, լեզուն բլրուլ, կուրծքը մարմար, մէջքը բարակ, չկայ «Հողեղինում» նրա նմանը.

«Թիկունքը թաղտ ազիգ՝ ինչ աննման ես դու,
Զկայ հողեղինում, հուրի լըման ես դու.
Մէջքդ բարակ կանանչ՝ սալբոսման ես դու
Գեօզալների միջին, ուրախ խնդման ես դու»:

Եւրի աննման այդ գեղեցկութիւնը գերել է նրա խելքը, սիրտը կաշկանդել, ձգել է սիրոյ երազի մէջ, և նա սիրոյ զգացումների բուռն թափով զեղւած, երգեր է հնչեցնում՝ սիրաբորբոք, խանդավառ երգեր.

«Հէշիդ ջանիս ծակծակուսայ
Դառնը չորացած փռել պէս.
Աչքերդ սիրտս է կտրատում
Սիրած ամապէն չուրի պէս.

Ունքերդ խելքս այ տանում
Թմրացնումայ մախուշի պէս,
Գցում է ինձնէ բիսաբար
Թուլացնումայ բիյուշի պէս»:

Եւ նա օրհնում է այն հօրն ու մօրը, որ ծնել են այնպէս մի աննման հար.

«Քո հօրն ու մօրն ուսմամբ՝
Որ ծնեցան քեզ պէս նահմաթ»:

Ու սիրոյ կրակը երգչի հոգու մէջ օրէց օր արծարծւում, հրդեհ է դառնում և նա էքստազ ոգևորութեամբ հնչեցնում է սիրոյ երգն աւելի ուժգին:

«Աչքերդ ինձ խափայ տալիս
Սրտիս մէջն ծափայ տալիս.
Միւս ոսկունէս թափայ տալիս
Էդ քո խաղալն նազելի»:

Ունքերդ մախուշայ բերում
Կոտրած սիրտս յուշա բերում
Բիյուշ մարդին յուշա բերում
Քո բարև տալն նազելի»:

Բայց երգիչը զգում է, որ հարն օտարացել, մի «վայրենի դուշ» է դառել ու նետով «ջիգարին» տալիս, և նա սրտաւոյգ շեշտով ողբում է անգութ հարին.

«Էլ չես մտիկ անում հալիս
Կետով ջիգհարիս ես տալիս.
Ինձնէ երկար ման ես գալիս
Մին վայրենի դուշաս ելել»:

Եւ երգիչը այնուհետև՝ թախծոտ սրտով ձեռք է առնում սազը ու պանդխտութեան գնում, որպէսզի իր վիշտը ամուրի, բայց օտար աշխարհում էլ նա հանգիստ չունի, հարի սէրը տանջում է իրեն.

«Քանի քեզնէ հեռացելամ
Էլ հալ ու դովաթն չունիմ,
Սրտովս քեզ կամեցելամ
Ուրիշի միտաթն չունիմ:

Քեզի նման հայոց ցեղում
Զիմ գտանում գաւառ գեղում,
Զիմ դիմանում դարիք տեղում
Առանց քեզ թաղաթն չունիմ»:

Եւ նա հարից հեռու, միայնակ, վշտերի

մարմաջով համակած, կարօտագին սիրտն է բաց անում եարին և ինդրում, որ այլևս մի ճար անի.

«Սիրոյդ ձեռնէն ցտուռէլամ
Մի տալ զտրդ ու սուր ինձ աղջիկ,
Տեսոյդ համար կարօտէլամ
Եկ դու ալա ճար ինձ աղջիկ»:

Սակայն անողոր եարը դարձեալ անտարբեր է մնում, չէ հասկանում երգչի սիրտը, զգացմունքը և նրա համար պատճառում է նորանոր տանջանքներ... բայց երգիչն այլևս չի կարողանում զիմանալ և նա վերջապէս կէս՝ յանդիմանութեան և կէս՝ աղաչանքի ձևով դիմում է եարին այսպէս.

«Խօսումամ, խօսումամ, դէ գճմ չես խօսման,
Ախր ջահաթն ինչայ, ջան քեզի դուրբան
Լչիլիցդամ կրակում, մգար չե՛ս տեսման.
Տես, մին դարդիս համար բան քեզի դուրբան»:

Վերջապէս եարը խղճում է նրան և ամուսնանում: Երգիչը անհուն երջանկութեան հասած՝ գովում է եարին՝ Նրա հօրը «բարի պաղարբեր մի ծառ է», որին նա պահում—պահպանում է գուրգուրալով և նրա համար ամեն ինչ «մատաղ» առնում.

«Գու բարի պտղաբեր ծառիք
Էդ քո բարի հալին մատաղ,
Քեզ երանի որ ինձ առիք
Էդ նման աղբալին մատաղ.

Աչքդ զուլալ, ինքդ կամար
Լոյս երեղ շամն ու դամար,
Ձրոյ միասին կապած կամար.
Ան հիւալ ունքերիդ մատաղ»:

Սիրային այս երգերի մէջ հարազատութեամբ պատկերացում է երգչի անկեղծ հոգին և նրա բոլոր սիրային երգերի մէջ զուրկ կը գտնէք այդ ջոյն անկեղծ Ողին: Ահա սիրային մի այլ նմուշ.

«Մինգամ որ քեզ չեմ տեսանում
Ի սրտէ հոգէցամ հանում,
Քաղցր լեզուէդ չեմ կշտանում
Բերնիդ քեալամին դուրբան»:

Էւ այսպէս մի շարք սիրային երգեր ունի Յարութիւն (Ողին, մէկը միւսից աւելի զեղեցիկ, մէկը միւսից աւելի անկեղծ և զրաւիչ):

Դարիքի երգեր: Բացի սիրային երգերից, Յարութիւն (Ողին ունի նաև մի քանի պանդխտութեան երգեր, որոնցից միայն մէկն ունինք մեր ձեռքի տակ: Նրա մէջ, երգիչը սրտառու է մօտիւով նկարագրում է դարբերի դրութիւնը, որ դարբեր — զուրբաթ աշխարհում «վաթանից թառ ընկած զշէ նման», ոչ մի տեղ մխիթարութիւն չունի, մինչև անգամ՝

«Ղարիբ մարդս եթէ ծաղկած ծառ ելնէր,
Մաշխաներում կանթեղի պէս վառ ելնէր,
Գօզիքն թրմալալ ու կապէն զառ ելնէր,
Իրա համար քանդած բաշի նման է»:

Ղարիբութեան մէջ նրա համար ամեն ինչ «հարամ լաշի նման է», նրա աչքն ըրուն ամեն ինչ դառն է, նոյն իսկ

«Ղարիբ մարդս՝ եթէ որդւոյ տեղ սիրես,
Ախրն մին խօսքով իր սիրտն կերես».

Աւելին: Օտար երկրում, դարբեր մարդը մի ծառայ է, — որի առաջը եթէ խաղաս, խնդաս, ծիծաղես, էլի նրա համար «ղարալաշի» նման է, որովհետև

«Ղարիբ մարդու՝ սիրտն քանդած աւեր է,
Առէջկամն գետեր, ծովեր, նաւեր է».

Էւ այդպէս դարբեր՝ սիրտն աւեր, խելքը զլիւիցը թռած, աչքերը լացով լցած, ախր քաշելով օրերն է մթնեցնում:

Կրօնական երգեր: Յարութիւն (Ողին ունի նաև յանգաւոր մի քանի բանաստեղծութիւններ, որոնց մէջ նա, միջին դարերի կրօնամիստիգ բանաստեղծ՝ Գրիգոր Նարեկացու ջերմոտանդութեամբ և ջերմ հայցաւածներով աղօթում է՝ Քրիստոսին և ապաշխարելով իր մեղքն է լալիս.

«Վա՛յ ինձ վա՛յ, վա՛յ իմ մեղացն
Յուսացելամ չարին, մեղայ քեզ Աստուած.
Չունիմ զղջալի արտասուս լացն
Մեռացելամ իմ յետի տարին, մեղա քեզ Աստ.
(ւած»:

Այսպէս նա իրեն շատ մեղաւոր է համարում, դիմում է Աստծուն և արտասուակից թողութիւն է աղերսում.

«Ելոյ Քրիստոս քեզ ունիմ յոյս,
Եւ դու ողորմաս ինձի տէր.
Ձար անիրաւ մեղացիւյոյս
Դու թողութիւն տաս ինձի տէր:

Թողութիւն տաս իմ մեղացն
Ձղջում արտասուս և լացն.
Շնորհես անմահութեան հացն,
Դու տաս քո սուրբ մասն ինձի»:

Մի ալ տեղում ողբում է Քրիստոսի գերեզմանի վրայ, իսկ մի ուրիշ տեղում նա երգի նիւթ է շինում Յովհաննու Մկրտչին:

Բացի արանցից, Յարթուն Օղլին թողել է 127 տնից բաղկացած մի գողարիկ ոտաւնաւոր, որ կրում է «Տաղ արարչագործութեան աշխարհի կամ համառօտ պատմութիւնը, Աստուածաշունչ սուրբ գրոց» վերնագիրը, որով նա մեզ տալիս է Աստուածաշնչի համառօտ պատմութիւնը, սկսելով աշխարհի ստեղծագործութիւնից: Այդ ոտաւնաւորից երեւում է, որ Յարթուն Օղլին տեղեակ է եղել նաև Ս. Գրքքին, որից նա նիւթեր է վերցնում և երգեր հիւսում: Յետոյ յայտնի է «վաճառ մարկային ծննդեան, կենացն մանկութեան, երիտասարդութեան, միջահասակի, ծերութեան մինչև հասնալ մահը» կոչւած թուրքերէն աշխատութիւնը, 128 տող, որ ոտաւնաւորով համառօտ պատմում է մարդու կեանքի վրայ, մանկութիւնից մինչև ծնութիւնը:

Խրատական երգեր: Ուշագրաւ են նաև Յարթուն Օղլուի խրատական երգերը: Նա իր խրատներով խորհուրդ է տալիս «ազմորդուն», որ ինչ ասպարէզում էլ լինի միտ ուղիղ սրտով գործի՝ յիշելով Աստծուն: Նշոյալէս խրատում է՝ լինել մտքով զօրեղ, սրտով ուրախ — պայծառ, խօսքով բնորոշ, լեզուով համեղ, ինչպէս հեզ գառ: Երգիչն ասում է, որ մարդ պիտի «ամեն մաջլսում կանթեղի պէս շողողայ», որպէս զի «տեանդն սարսափի, դողայ», հարկաւոր է նոյնպէս, որ մարդ, որտեղ

էլ որ լինի, իր բերանը «քաղցրիկ բանայ» և «իմանայ խօսքի բանն»: շատ խօսքը, կեղծիքը շուտով մարդուն «գետին կու տայ», մի խօսքով պէտք է «մարդս հարթւմ ըլնի իւր դարդին, որպէս զի մօհթաջ չմնայ նա մարդին»:

Երգիծական: Յարթուն Օղլին ունի նաև երգիծական մի ոտաւնաւոր, որի մէջ նա կատակելով գանգատում է իր ուլի մասին.

«Ե՛ր պարոններ մի ուլ ունիմ գառտայ
Մին պտուկն քօռայ, մինն կաթ չունի.
Ջանն էլ քաշալայ հէնց գիտի գառտայ
Ձենն խօ չօլալայ, յուր կաթ չունի»:

Այս ոտաւնաւորը յիշեցնում է մեզ 19րդ դարի աշուղ Աղբար — Աղամին, որ գանգատում էր իր այծից:

Միւս երգերը: Յարթուն Օղլու միւս երգերից ուշադրութեան արժանի են երեք այլաբանութիւնները, որոնք տաղաչափական տրամախօսութիւն են «հոգու և մարմնի», «երկնքի և գետնի», «համամի և ջաղացի»:

Ունի նաև հարսանեաց, բարոյախօսական և մօտ 80ի չափ թուրքերէն երգեր, որով նրա երգերի թիւը հասնում է մօտ 200ի:

Լեզուն և ոճը: Յարթուն Օղլու երգերը գրւած են անմաքուր հայերէնով. նրանց ողողում է լինելով թրքերէն և պարսկերէն բառերով և արտայայտութիւններով՝ զժուարհասկանալի են դառնում, բայց և այնպէս այդ անորոշ լեզուն կրում է իր մէջ ժամանակի յատուկ ժողովրդի խօսակցութեան կնիքը և մասնաւորապէս ջուղահայ բարբառի գեղեցկութիւնը:

Առ հասարակ Յարթուն Օղլուի թէ ոճը և թէ լեզուն գեղեցիկ են և պատկերաւոր: Իսկ նրա երգերը ձևի, կազմութեան և տաղաչափութեան տեսակէտից բաւական յաջող են:

Ընդհանուր հայեացք: Թէև Յարթուն Օղլին մեծ աշուղներից չէ, բայց և այնպէս, իբրև երգիչ — բանաստեղծ, իր երգերի մօտիկներով մեծ ձիրք է ցոյց տալիս և նա անպայման պատաււոր տեղ է բռնելու մեր աշուղական գրականութեան պատմութեան մէջ:

* *

ապագայում, կարողանանք նրանց էլ յայտ-
նագործել:

Բացի Թարթուն Օղլուց, կան և ուրիշ-
ները, որոնց երգերը դեռ կարօտ են ու-
սումնասիրութեան: Այդպիսիներից կարելի
է յիշատակել Բաղէր Օղլի, Ղու Յովհանն-
նէս, Ղու Էգազ, Ղու Արզունի, Ամիր
Օղլի, Արդին Օղլի, և այլն:

Առ հասարակ սրանց երգերը արժանի են
առանձին ուշադրութեան, և զուցէ մօտիկ

Բ Ա Ռ Ե Ր

Յերիս — տեսակ, — Ֆերաթ — մարտի, — Զառ-
սակեթիլ, — Խոուր — միասին, — Զուլ — ինչու, — Նազ-
մաթ — ընթերց, — Մախշուշ — խառնաշփոթ, — Զա-
հաթ — պատճառ, — Շամս — արև, — Փեալամ —
խօսք, — Գառուտ — խոցոտ,
Նոր-Ջուզա

ԱՐ. ԵՐԵՄԵԱՆՑ

ԲԱ՛Մ... ՓՈՐՈՏԱՆԻ ԱՐՁԱԳԱՆԳԸ

ՅԱՐԸՆԶԱԲԱՐ

Միևեոյն եղանակով, — Զօն հայ քաշերուն

ԱԶԱՏ-ՄԱՍԵԱՏ ալբէն ծալքէն՝ բիւր բոժբիւններ կը փողեն,
Մեր քաջերուն կարն ու կորովն առատագեղ կ'ողողեն.

Հոգիներն Հայոց կ'եփին ընդհանուր.

Է՛ հայրենիքի հրաւէրն՝ հեշտալուր.

Դուք որ կը սիրէք պըսակն երկընքի՝

Ու փառքը երկրիս որ վեր կը տանի,

Ո՛վ դուք սերունդ վեհ Հայերու,

Ճեպենք մեր վրէժը հանելու.

Մէն Հայ զէնքի թող փութայ,

Թող Հայ շիրիմն իսկ թընդայ.

Ուսերամերկ սուրանք յառա՛յ,

Վրէժ լուծելու, ո՛վ Հայեր քաջ,

Երթանք յառա՛յ,

Վէս՝ քաջալանջ,

Դիմենք յառա՛յ,

Ետա՛յ յառա՛յ,

Վազենք յառա՛յ:

ՀԱՅ գունդերու զաւարափողն որոտընդոտ կը զոչէ.

Խըժըրժալուր ազգաց շեփորն՝ ահլը կըռուին կը կոռչէ.

Հրեշտակներն ուրախ կը ցընծան պարեն.

Դուք որ կ'ողբան զըժոխքի խորէն.

Վրէժի ընդունութեան շեղ շանթն երբ ճայթի,

Պիտ' սարսեն այսերն, ո՛հ, սե խօլ մութի.

Ո՛վ դուք սերունդ, — և այլն, տես վերև: